

增補士材三書六

增補病機沙篆卷下

古吳尤 乘生洲校訂重鐫

頭痛

頭者天之象也。陽之分也。六府清陽之氣。五藏精華之血。皆朝會於高巔。天氣所發。六淫之邪。人氣所變。五賊之逆。皆能犯上而爲酷害。或蒙蔽其清明。或壅遏其經隧。與正氣相薄。鬱而成熱。脈滿而痛。是皆爲實也。若寒濕所侵。雖正氣衰微。不與相搏。而成熱。然邪襲於外。則血凝澀而脈攣縮。收引小絡而痛。得溫則痛減。是爲虛也。因風而痛。抽

掣惡風或自汗出川芎細辛羌活防風升麻柴胡荆芥穗
乾葛薄荷甘菊高本天麻蔓荊子白芷因暑而痛或有汗
無汗惡熱香薷扁豆霍香黃連厚朴甘菊因痰飲而痛昏
重憤憤欲吐眼黑頭旋天麻半夏白朮陳皮甘草苓連因
濕熱頭痛頭必重遇天陰尤甚令人煩心川芎細辛蒼朮
苓連羌防甘草冬月厥逆而痛大寒犯腦深入骨髓故頭
痛齒亦痛麻黃羌防升芷蒼朮黃芪附子殭蠶氣虛痛耳
鳴九竅不利遇勞則甚參芪歸朮升柴芎芍細辛蔓荊子
陳皮甘艸血虛痛自魚尾眉尖後近髮際上川芎生地黃

薄荷當歸用沸湯泡乘熱吸之候溫服氣血俱虛參苓
朮芎歸升柴蔓荆細辛凡治頭痛皆取風藥者乃東垣所
云高巔之上惟風可到味之薄者陰中之陽自地升天者
也然有三陰三陽之別○太陽惡風寒脈浮緊頭頂痛用
麻黃川芎獨活高本杏仁甘艸少陽頭角痛脈弦寒熱柴
胡黃芩半夏甘草陽明頭額痛自汗發熱不惡寒脈浮長
緩實升葛芷甘石膏○太陰頭痛體重有痰脈沉緩君
半夏南星茯苓陳皮甘艸少陰頭痛足冷脈沉氣逆爲厥
麻黃附子細辛湯厥陰頭項痛吐涎沫冷厥脈浮緩人參

吳茱萸大棗生薑

陰經頭痛可用溫藥附桂薑黃風濕生熱頭痛上壅損目
及偏正頭風年深不愈並宜空清膏芩連羌防芎柴甘荆
如陽明發熱惡熱而渴白虎湯加白芷頭旋眼黑者必用
安神散羌防升柴知柏苓連生地甘草或川芎散芎羌柴
細荆箔菊草茵陳香附槐子石膏熱厥頭痛時當嚴冬猶
喜風寒略見溫暖其痛便甚清上瀉火湯荆防羌本細蔓
參歸芪朮紅生甘苓知柏苓連升等其十九味次服補氣
湯參芪辛歸甘丁麻升煎服風熱頭痛石膏散麻黃石膏

乾葛首烏頭痛及胸痛食少寒冷咽嗌不利左寸絃急宜
麻黃吳萸湯麻黃蒼朮升梔柴胡連柏芎細半蔓紅甘陳
新沐中風爲首風頭而多汗惡風當先一日則病甚至其
風日則少愈大川芎湯川芎天麻二味爲末蜜丸茶送下
風氣循風府而上則爲腦風項背惡寒腦戶極冷神金散
麻黃細辛乾葛藿香等分爲末酒下因發散太過宜酸收
而斂之乳香落蠶散甘桔陳柴乳香桑葉末服
腎厥頭痛玉真丸硫黃二兩石膏半夏硝石各一兩爲末
薑汁丸薑湯送再灸關元百壯寒甚者去石羔用鍾乳或

黑錫丹痰厥頭痛眼黑頭旋惡心煩悶半木天麻湯

狗蒙招尤目眩耳聾肝風虛動也鈎藤散鈎藤陳皮半夏

麥冬人參茯苓甘草甘菊石膏防風傷食頭痛胸滿惡食

吞酸噯腐香砂枳朮查麵麥上或紅丸子三棱莪朮青陳

薑椒醋糊丸礬紅爲衣傷酒頭痛葛母解醒湯葛根知母

參苓砂蔻青陳香麴猪苓生薑煎服怒氣傷肝頭痛宜以

沉香降氣散沉香青陳柴蘇細芍臭青頭痛香附炒煎服

偏頭風總屬於痰又左屬風荆芥薄荷右屬血虛芎歸地

与雷頭風之痛而成梗塊者是也或如雷鳴清震湯荷葉

升麻蒼朮腫核宜刺出血亦有屬痰熱者痰熱生風也用
半夏一兩皂角薑汁煮大黃二兩酒浸紙包煨三次殭蚕
連翹橘紅桔梗天麻各五錢黃芩七錢薄荷三錢白芷粉
草礞石硝煨各一錢其爲末蒸餅丸臨臥茶吞二錢

眞頭痛天門眞痛上引泥丸夕發旦死旦發夕死腦爲髓
海眞氣所聚本不受邪一受不治古方用參附湯可救十

中之一然天柱折及手足青至節者則難爲力矣又法參
附湯送黑錫丹灸百會穴或有得生者黑錫丹沉香附子
胡盧巴茴香肉桂各五錢補骨脂肉苁蓉木香各一兩硫

黑鉛各二兩煨砂子二兩酒煮麪糊丸梧子大陰乾布袋
擦令光瑩每服四十丸空心薑鹹湯下

傷寒頭腫如斗多屬天行疫病東垣云身半已上天氣主
之身半已下地氣主之此雖邪熱客於心肺若以承氣下
之是誅伐無過矣宜消毒普濟飲苓連瀉心肺之火橘紅
苦參生甘草瀉火而兼補氣牛旁連翹薄荷葛根僵蚕馬
屁勃解毒升麻引經桔梗爲舟楫白湯調末時時服少許
海藏論大頭痛者感四時不正之氣大抵足陽明邪熱寔
資少陽相火而益熾視其腫在何部隨其經而治之濕熱

爲腫風木爲痛以先見者爲主治之宜早不宜遲恐過其
病所也頭分受邪見於至高之分當先緩而後急先緩者
不用重劑也更須緩服若急服則不能去病凡藥性味形
體皆宜緩施及寒藥須酒浸炒之其意皆是也後急者謂
已經高分之邪得瀉入於中焦滲於有形質之地若不速
去反損陰也此謂客邪當急去之是治客以急也甘桔湯
加石膏白芷牛旁連翹大黃延胡僵蚕荆芥眉稜骨痛眉
骨者目系所過上抵於腦諸陽經挾外邪鬱成風熱毒上
攻腦下注目睛遂從目系過眉骨相并而痛若心肝壅熱

上攻目睛而痛亦目系與眉骨牽引而痛風痰上攻者亦然若脾家濕氣內鬱寒迫下焦痛留于項互引眉骨有痰者有抽掣者有重者有悶者各審明而治之選奇湯最妙羌活防風各三錢酒芩一錢甘草三錢水煎分三服如因風熱者祛風清上散酒芩二錢白芷一錢五分茱萸防風柴胡各一錢川烏一錢二分荆芥八分甘草五分水煎服因痰者二陳湯加芩芷因風寒者羌烏散羌細各一錢川烏草烏俱用童便浸一宿各一錢酒芩炙草各五分共爲末服○戴復菴分爲三証皆屬於肝一作肝氣傷發則頭

引眉骨俱痛眼不能開晝靜夜劇導痰湯加川芎細辛又
作肝虛痛若一見光明即發生熟地黃丸主之

偏正頭痛摘鼻瓜蒂散藜蘆川芎蒼耳薄荷焰硝雄黃各
一錢天竺黃一錢五分左右爲末含水口中摘鼻一七立効
治卒頭痛方皂莢末摘鼻取嚏又鵝兒不食草陰乾爲末
取嚏亦妙○秘方貼兩太陽穴治火熱痛大黃爲末加焰
硝等分以井泥和捏作餅貼之

頭風塞鼻方草撥細辛爲末以猪胆汁拌紙條蘸於鼻內
塞之又方胡椒爲末吹之又法卑麻肉五錢大棗十五枚

其打和塗紙上用竹筋捲上去筋將此入鼻孔良久取下
清涕卽止又法生萊菔汁仰臥注鼻中左注右右注左
針灸經云頭痛頭風頭運皆有風有火有痰亦多屬虛如
本事方曰腎虛則頭痛下虛也肝虛則頭運上虛也均宜
補之若灸百會顙會而丹田氣海必不可缺而痛腦頂陷
至泥丸者此真頭痛旦發夕死夕發旦死

頭痛筋攣齲不嗜卧謂之腎厥頭痛宜灸關元百壯服用
玉真丸○偏正頭痛刺絲竹空二穴風池二穴合谷二穴
內撚針吸氣三口又內撚針吸氣五口患者自覺針下有

痛一道如線上至頭爲度長呼氣一口出針立愈

東垣云高巔之上惟風可到故味之薄者陰中之陽自地
升天者也所以頭痛皆用風藥治之總其大體而言也狀
患痛者血必不足而風藥最能燥血故有愈治而愈甚者
此其要尤在養血不可不審也一人往返燕京感受風寒
遂得頭疼數月不休凡頭風之藥無所不服其痛更甚肢
肉瘦削扶策踵門求予療治予思此症明係外邪如何解
散不効語有之曰治風先治血血行風自滅本因血虛而
風寒入之今又疎泄不已焉能愈乎又聞之痛則不通通

則不痛故以當歸生血活血本通利脈道而行當歸之力
問患者能酒乎曰能而且可多近爲醫戒不敢飲因令用
斗酒入二味於中浸三日夜重湯煮滾乘熱飲之至醺醉
則去枕而臥臥覺疼若失所以取酒者欲引二藥之性上
升于頭至醉乃臥者醉則挾肌膚淪骨脈藥力方到臥則
血有所歸其神安也有志活人者推此用之思過半矣狀
又有火鬱于上而痛者經云火淫所勝民病頭痛治以冷
劑宜酒芩石膏之類治之不可泥於此法也又有一方用
芎歸熟地連翹各二錢水煎去渣以龍腦薄荷葉二錢放

碗底將藥乘沸冲下鼻吸其氣俟溫即服服即安臥其効甚速然亦爲血虛者所設耳

腦者髓之海髓不足則腦爲之痛宜玉珠丹之類治之如用風藥久之必死

目病另有專科方藥今附針灸法于后

眼赤紅腫痛合谷攢竹睛明臨泣迎風流淚上星風池肝俞大小骨空攢竹臨泣合谷針灸二間灸

目生翳障上星合谷風池睛明瞳子窠

昏肝俞灸七壯一法灸足三里引火下降目自明也

雀目神庭上星百會前頂顙會五穴宜出血以鹽塗之

小兒肝積眼赤合谷五壯第一

偷針眼視其背上有紅點如瘡以鋒針刺破即愈

此處文字模糊

此處文字模糊

此處文字模糊

此處文字模糊